



DET KONGELEGE
KULTURDEPARTEMENT

Musea i Sogn og Fjordane
Gota 16
6823 SANDANE

Dykkar ref

Vår ref

Dato

16/2797-13

12. juli 2021

Statsbudsjettet 2021 - investeringstilskot til Musea i Sogn og Fjordane til verne- og formidlingsbygg for Holvikejekta

Me viser til søknad frå Musea i Sogn og Fjordane dagsett 29. februar 2020 om investeringstilskot til etablering av eit verne- og formidlingsbygg for Holvikejekta på Sandane, og til Prop. 195 S (2020-2021) Tilleggsbevilgninger og omprioriteringer i statsbudsjettet 2021 og den tilhøyrande Innst. 600 S (2020-2021) frå finanskomiteen, som vart vedteken i Stortinget 18. juni 2021.

1. Tilskot for 2021

Innanfor løyvinga på kapittel 328, post 70 er 11 mill. kroner sette av til etablering av eit verne- og formidlingsbygg for Holvikejekta på Sandane.

Kulturdepartementet stiller med dette til rådvelde eit tilskot for 2021 på 11 mill. kroner til Musea i Sogn og Fjordane for å skipa til eit verne- og formidlingsbygg for Holvikejekta på Sandane. Det er eit vilkår for tildelinga at tilskotet vert disponert i samsvar med dei føremåla, føresetnadene, krava til økonomiforvaltning, kontroll og rapportering som er omtala i dette brevet, jf. òg dei vedlagde retningslinene for økonomiforvaltning og kontroll for tilskotsmottakarar som får investeringstilskot frå Kulturdepartementet. Tilskotet vil verta betalt ut etter oppmoding frå Musea i Sogn og Fjordane. Krav til innhaldet i utbetalingsoppmodinga er spesifisert i pkt. 4 nedanfor.

Postadresse
Postboks 8030 Dep
0030 Oslo
postmottak@kud.dep.no

Kontoradresse
Grubbegata 1
www.kud.dep.no

Telefon*
22 24 90 90
Org.nr.
972 417 866

Avdeling

Saksbehandlar
Bjørn Olav Tveit
22 24 80 59

2. Føremål

Føremålet med tilskotet er å medverka til å skipa eit verne- og formidlingsbygg for Holvikejekta på Sandane.

3. Særskilde vilkår

Tilskotet skal nyttast til det nemnde føremålet. Tilskotet skal ikkje nyttast til å dekkja ordinære driftsutgifter for tilskotsmottakaren.

Det skal skriftleg stadfestast at Musea i Sogn og Fjordane tek ansvaret for å gjennomføra og fullfinansiera prosjektet innanfor ei kostnadsramme som er fullfinansiert med 11 mill. kroner i investeringstilskot frå Kulturdepartementet.

Tilskotet på 11 mill. kroner er fast og vert ikkje justert for endringar i kroneverdi, prosjektkostnader og innhald.

4. Vilkår for utbetaling av midlar

Departementet bed om følgjande opplysningar før tilskotet kan betalast ut:

- at Musea i Sogn og Fjordane aksepterer føresetnadene for statstilskotet, jf. pkt. 3 ovanfor, og eksplisitt tek på seg ansvar for gjennomføring og fullfinansiering av prosjektet med eit samla tilskot på 11 mill. kroner frå Kulturdepartementet
- oppdatert finansieringsplan med dokumenterte tilsegner om finansiering
- oppdatert framdriftsplan for prosjektet
- opplysningar om førebels rekneskapsførte utgifter i prosjektet
- oppdaterte opplysningar om ansvar for framtidig drift
- kontonummer for overføringa av tilskotet.

5. Økonomiforvaltning og kontroll

Tilskotsmottakaren skal følgja dei reglane som er trekte opp i dei vedlagde retningslinene for økonomiforvaltning og kontroll for tilskotsmottakarar som får tildelt investeringstilskot frå Kulturdepartementet.

6. Krav til rapport

Kulturdepartementet bed om å verta orientert snarast råd dersom det oppstår uventa situasjonar som vil få noko å seia for innhaldet eller framdrifta i byggjeprojektet.

Departementet bed om at det vert sendt inn sluttrapport og revidert rekneskap innan 12 månader etter at prosjektet er slutført.

Med helsing

Stein Sægrov (e.f.)
avdelingsdirektør

Bjørn Olav Tveit
seniorrådgjevar

Dokumentet er signert elektronisk og har derfor ikkje handskrivne signaturar

Kopi

Gloppen kommune
Vestland fylkeskommune

Vedlegg: Retningslinjer for økonomiforvaltning og kontroll i 2021

KOPPI